

養  
素  
堂  
詩  
集

養素堂詩集卷八

老威張澍介侯

南征彛集下

丙寅丁卯

贈梁春江

清孝廉詩卽題枇杷晚翠圖

坐雲洞畔恁石屢飛雪  
急湍迸昇君相見話  
姬隅歎羨清

才何淵映別來儵忽已  
五載誰復豚流問女  
嬪眼中不見馬鐙

苗夢裏猶餐龍爪菜  
君平遠道侍晨羞

印江秋濶明府運  
鉛來楚春江隨侍

我乃

飢驅萬里游相逢猶是  
舊顏色一笑攜登黃鶴  
樓自分疆直難

希榮不如歸去學四營  
無田奚以符菽水誦廣  
微句顏汗傾君

言我才尚可給何妨重  
鼓黔江楫紫薑木老俗  
猶淳邇者乖豐

比戶帖感君啟發忍自  
棄醪灌三斗慚羊鼻又  
況險遠阻板輿

以吏爲師儒爲戲展君圖讀君詩使我激昂舞燕支  
其將去修名之立復何時

賤得伯牙臺贈梁春江孝廉春江讀余大雪登黃鶴樓詩  
贈章過襄佗此歌報之以倉知己之意

去季曾鼓合肥權箏篴浦弄聽效樂今歲復登大別峯伯牙臺  
畔憶號鐘伯牙一去晉塵闕空餘江干臺上月舊聞雅操譜水  
仙洞越從學田成連蓬萊縹緲東海上吾師在此迎以船去去  
已逾旬四望杳無人但聞海水汨不見方子春濤奔兮魂悸岸  
崩兮首搔山林兮杳莫羣鳥兮悲號拊琴一奏精靈嘯此手遂  
爲天下妙乃知藝事能入神不患人世知音少豈獨先生移我

情六馬仰秣耳爲傾絃外儻未寫真意鍾期何以揚芳聲拔長  
劍歌莫哀巴人曲侑離杯別鵠怨胡爲哉君不見伯牙臺

時余有江

右之行

青山去蒼昌三十里舟泊巖下登峯頂楠梅寺納涼

偶訪招提寺山空氣象幽曉鳥棲佛髻門鼠竄經樓午日僧披  
衲江風客櫂舟顏拈池上草可否是龍修

舟抵蒼昌縣守風苦熱

舟坐竟如焚天低壓火雲如何有黃雀不敵此青蠹香遠紅蓮  
粉汗流白練裙飛霜希幼伯叩羽學師文洵欲眠凌室煩思上

縵羣寒谿在只尺跌坐忘晴暉

蒼昌樊山東有寒谿盛夏甚寒

湖口曉起

殘月墮波閒蒼茫兩岸霧不聞柔艫聲帆影挂煙樹

九江晚泊

落日青盆邊濤奔感逝年鐘聲雲際寺人語渡頭船上元晨  
迴煙橫左蠡連夜深風更猛客夢不成眠

過南康

擔石湖邊宿白鷗篙師指說翠微灣靈旗甲馬宮亭廟落日孤  
雲匡俗山風起鯉魚帆閣閣岡蹲虎豹潤潏潏思家未得平安  
字雁泊經時淚如瀉

星渚日莫

遠見汀洲人初疑是宿鷺十幅健蒲帆一篷破煙樹

小孤山

何處飛來峯橫壓蛟龍窟奇相驅不去勢奔驚波突波怒鬪其  
根吼聲震霆發我欲登單椒遐觀廬阜肆篙師執不可濟涌盤  
渦疾儼然觸危石騎鯨難超忽聞之猛有省臨深古人不徙望  
彭郎巖白鷗自出沒

望廬山

廬之阜列巍高二千三百六十丈勢壓彭蠡九江濤濤激矢忝  
左里落星石淪宮亭廟徙恨我不得駕疾輪去隨匡俗潛其真  
香爐峯畔散髮叫飽看瀑布坐天紳問馬腐誰弁伍并秦皇後

漢老

廬山謠

五老叩須笑語迎山巔子孝饗鵝笙香爐雙闕觀碁罷邀取茅  
君宴鵝城

激湖下釣赤鱗魚驚起白鵝素霓梳欲泛銅牖上星溼竊來太  
乙火珠書

久脉長生有祕方仙翁飲露勝瓊漿一杯乞得依芳桂吳猛相  
呼度石梁

穩騎茅龍采若萼巖間紅燦麝囊花何來神女清吳曲一鼻廬  
君奏落霞

滕王閣

滕叔錢緡已匡夫  
麻車頌賜助青趺  
依然傑閣漢茹節  
不以茅櫛耕織圖  
歌舞幾時歸幻夢  
斗牛此日射洪都  
讎游詎少諸公  
履誰是風流曠代無

三王記賤序如何  
帝子經營託不磨  
画棟夕陽終古在  
彭湖秋水自今多  
看來天地假文藻  
可使江山無嘯歌  
繫我登臨一憑檻  
蒼茫煙樹憶秦娥

有懷岳一  
山舍人

西山

點黛岡巒隱伏龍  
晴雲乍紫霄高峯  
援嘯奈苑燒丹井  
鶴唳琳宮挂屨楓  
瀑布珠簾飛濺濺  
金光瑤草翠茸茸  
施肩吾去杳無



所尚見仙人鐵柱蹤

百花洲訪蘇雲卿遺址

孺子墓荒感客情東湖洲畔訪雲卿  
閒雲靜想衣裳古止水久涵肝膽清  
飛逐果然爲隱士貴游何必識芳名  
桐廬瀨下芊裘老比似高風未定評

真西山文忠公詩以子陵攬之余以爲尚有分際在

顯彭仁山紅裏添香夜讀書圖

蚪漏冰荷夜正良  
丁東銀蒜響帟廊  
遲回想是柏鸚  
雀小玉翻羞李十郎

一握蘄蕪月下貽  
思香嬾寢許來窺  
阿儂可有琅玕贈  
金縷清歌憎少時

偶肩一笑氣如蘭  
靦北含睇醉眼看  
遠事祕辛伴不解  
羅衣屐耐五夏寒

曾向石城訪莫愁  
笑佗杜牧夢揚州  
拈麈欲擬相如賦  
釵挂臣冠月一鉤

顯湯怡亭采芝圖

我徂蓬萊言擷紫  
芝燕胎料玉粲葩  
紛披亦有龍仙句  
曲山塵騰騰石象  
光其燁而金母邀  
宴觴閩風熾董娥  
侑曲瑤草贈之  
昂森吹落佗吏南  
夷蕞蔓澀勒何有  
靈枝夜書孔墨良  
常孰貽曰有駐人  
三秀爲期青松千  
子碧源棲遲筠籃  
滿貯銀鹿奉持  
載種瓊圃載鉏苗  
茨露團連鼓日麗  
威綏白鶴翔舞斑  
麟游嬉

飢餐蜚英麋壽期願意欲乞君根望銅池

顯湯怡亭梅花圖

曾游鄧尉碧峯頭暗香靚色動遠眸又到醉翁滁亭上冰魂雪魄  
拈新愁法曹步履廣陵間處士拏舟孤山鶴榻來誰復贈一枝  
江北江南憶宴樂玉筵欲擿芳夢斷煙邨茅屋谿橋岸月落參  
橫翠羽鳴恨未蠟屐羅浮畔展君素壁之絹圖恍如游戲元  
都塢仙犬如豹吠白石瑤姬舉衷雙鸞舞

樟樹鎮王文成誓師處

一戰已禽王書生蚤亦揚義旗出樟樹老澗困鄱陽弟子猶蟬  
蛻將軍尚豹房我來一憑弔風日鬱蒼茫

麗鵬豈不畏蛟龍  
噲心以沃白鶴廬  
阜來騎之尋匡俗

庾樓

九江郡城堞  
榜此二字

潯陽江上下艤舟  
水落黃花雁陳秋  
生怕元規塵撲面  
蒲帆高挂過南樓

琵琶亭聞歌

孤舟江上夜有美  
奈愁何豔曲紛珠  
玉清歌雜噴囉荻  
花搖客夢秋月寫  
橫波我亦青衫溼  
淚寧司馬多

九江舟中

青益山色逐帆來  
柔艣聲中落照回  
自有龍梭陶侃釣  
空聞浪井灌嬰開  
右軍書鼎沈泉室  
荜帝樓船冷劫灰  
廬阜如簪霄漢

插欲游般若息塵埃

廬山有般若臺

破舟歎

夜半呼聲鼎亂沸披衣起眎黝如漆頭撞舡柱血模糊金鼓百萬來洶欵黑帝觸山驚女媧支祁舉鑠黍童律推波助浪江疑跳巽二召風怒咤叱洪濤欲挾舳艫飛容船相擊窗櫺失檣傾楫折隨奔流舟子持篙空戰栗高岸忽摧隴坻崩幼嘯老哭將命乞嗟我微軀眇於蝨蒼蒼底事煩憎嫉省營委積九牛毛不止管窺廁未櫛願有青衣浮葉來恨無羽扇渡江術東海小童未授符頻呼馮耳口喋喋咨爾飛廉胡稷予瓜洲幾陷蛟龍窟

二月過鎮江

今茲何復遭殞茲奇相旋舞馬銜出阿香痛鞭玉

逸風幾危

虎鳴雞昨冠飛擊雀室又况屏號灑凍縣驅山鐸響江爲溫書  
劍飄薜襪被濡蒙首長吁坐危剝險哉仍荷皇天慈感冢長康  
災竟被布帆無恙行人安歸侍高堂暇敝帙書此以戒汗漫游  
丙寅十月初三日

瀟陽旅寓寄懷岳一山

震川

舍人

秦中兵又動烽火逼窮閭賤子仍磨鏡先生尚織簾冬心抱冰  
雪夏口饒魚鹽仗劍言歸日相從倒虎潛

金印之

綬

明府同季督運楚鉛駐夏口余自豫章返權印

之館我餐我聊成四詩用志感懷

珍州良茂宰瀝上復襄羊問俗仍游女能官自夜郎飛騰凡幾

輩歸落此中腸況有湘東醜傾姚舞呀光

短髮禿風塵逢君忘旅辛匡牀五夜話倚杵百季身運首同江

偉

時值臘日

傳經憶賀循草堂資若寄殘帙理師春

病始起庚桑胡然效渴羌鄉音秦吉了巴曲楚勞商欲挽羲輪  
駐翻愁挈漏長黃金擲虛牝柱下語難忘

落日灑江寒孤鴻度碧瀾樓中穿淚眼夢裏采咳蘭願假遺風  
乘空羣承露盤向君懷抱盡聊爾蒯緱彈

陳鹿苹

鵬

明府運京鉛至夏汭余薄游來荅昌相見甚歡

作此錄別

鄂渚朔風高相逢首屢搔客塗我淹滯王事子賢勞話雨萍柯

夢傾杯江遼濤元龍自曩氣遮莫笑盧敖

謁

帝椒稜爾冰夷送好風征帆大江去明月此心同拔劍須憐瓊  
吟詩欲冷楓維舟別峯下別緒正怱怱

荅昌郡雜詩

海寓欣清晏紛吾尚未愆楚天饒瘴霧隴首布陽暉久客悲王  
粲深藏羨馬微山林多好鳥竟使性儒衣

江水傍城流波掀焦度樓當季爭戰地此日估商舟皎月晴川  
出寒雲大別浮欲尋魯口壘荒草不勝愁

清溼源隴蜀奔流變古今竭來登翼際試舁問桑欽吳楚雄爭



濟風雲黯省侵魯祠仍典祀椒酒不停斟

巖嶠肅神宮馨香俎豆豐辛圭錫明德丹雀報康功江蘼朝宗

合雲夢作父同歲時紛祭賽歌舞楚巫風

大別山岐有禹稷宮

古廟靈旗丙威嚴祀摯紅熊渠原種德荆楚有等風七澤三湘

蘭桃孤棘矢雄人閒仍寶鼎銘勒蒼王功

虹裳下霄濛羽士就荀環繫我尋黃鶴來游賸碧山梅花飄玉

簫雪浪壓江關赤鯉如能得鬻縣古鏡斑

赤壁峙江干孫曹戰壘殘

世之言赤壁者有五黃州嘉魚蘆川蒲圻江夏詳史文在江夏者是

關雄舊鎮夏水激回湍記得旌旗閃空餘風月寒扁舟我數過

飛夢雪堂看

欲訪吳谿碣波深怯汎舟偶來荒寺憩每自廢碑求衰草埋并

徑恠鷓鳴夕樓囊中箴卓筆空自寫煩憂頭陀寺有王少師文  
與地碑目言在鄂州

今無  
有矣

未游光祿塞聊泛郎官湖名自青蓮錫舟爲鴉水扶倡歌雜絲

竹水榭倚菰蘆猶憶秦淮月風流似此無今之月湖卽張謂之  
郎官湖或以後湖當

之誤  
矣

流水復高山鍾期想像閒崇臺猶岌臬雅調最幽閒何意巴人

和翻疑造物慳伯牙今已矣使我淚長潛魯山旁有伯  
牙斂琴臺

安樂宮弄月淒涼動旅情激泥尋舊瓦佗覘比新阡傲篋儲秦

漢空亭足蠍蝶純鉤堪報國底事效書生安樂宮在荅昌縣  
余守風黃州游焉

何事生枯管深蒙聖主知  
破衣行跡躡潑墨醉淋漓  
慘愴風雲

氣清耀海鶴姿偶來松下憩  
慨想吮藥時

吳偉江夏人明憲宗時待詔仁智殿被譖

趙孝宗登極復召見賜章曰畫狀元善畫松

聞道安康卒披猖截萑旌戈屠泮縣吏

曾公諱彰泗字孔林德陽人辛酉拔貢丙寅入

月朔日叛兵陷城幾於城隍廟

賜金建祠城隍廟之側

詔發鄂州兵關輔原完固荆蠻實標輕

天誅焉可貸師次魏興營

天下無雙士黃童至孝堪蓬萊書既見樞密政能參嗟我漂蕩  
甚何時妙畧覃不如返初服力穡供肥甘

江海從蕉萃胡爲逐逝波登艦招白鶴拔劍仰星河吾道寧縣

瓠民生在止戈壯心仍未已賴有酒消磨

偕金印之陳鹿苹二明府登晴川閣

依人王粲賤登樓何意天涯遇舊游身世浮沈漫感慨江山壯

麗且句畱霜鴻遠向衡陽去瀼水斜分大別流

瀼水本東行觸大別之陂而南

同入江今則自郭師口以上波而東徑大別山後入江非復古之夏洳矣不覺顛衿恣唼眺秦川豈

毀喜全收

落日塞江怒浪平蒼茫下視莫煙橫瀼陽樹暗排沙口鄂渚雲

連下雒城君等賢勞懷故里我其蕉萃念

神京何當載酒陵黃鶴一篷西風弔禰衡

瑚司馬

敦

邀飲晴川閣

傑閣切雲高飛筇俯瀼臬城隍眇蟻垤天地回奔瀾欲掇魯山  
月頻觀巫峽蛟傾尊一長嘯寒飈吹征袍

金印之同季以蜀酒見惠賤此志謝

文草饒巴蜀蒲桃富隴西家醪我空憶鄉味君偏齋沽怕狺狺  
狗熟須膊脯雞經來欣束帶燭上慰羈棲獨酌乾坤大沈酣日  
月低鴟夷揚子貯犢鼻馬卿搆不學變巴嘆翻招簡雍詆侑宜  
印契橘游想浣花谿千里徒爭辯三辰待品顯禁愁當絲竹輒  
飽勝鱖鯪紅友憐新識黃公夢舊締鬱香浮遜頓珠好滴頗黎  
蝨塊澆應僭離騷讀欲悽顛險遺側注痛飲倒偏提渴乃呼賢  
聖營纒醬老妻邠邀貂尾阮不伴玉山稽竒字時相問囊情未

可瘳熱惟知微髮酌或戒然臍身後名何計杯中物亦齊持盞

憑左手采菊過堦畦無用溫袍償那將繡佛批太半糞已就下

若路難迷今夏三月在長興那雨民暑爲十日之飲得趣知公未尋歡問伯兮糟城

堅窟室詩陳厲夏難詎是通人累宜爲學士後偷嘗防吏部狂

欲上天梯此卽屬蘇瓊在除夕之誰誇阜茨梅佗鄉知底處爛

醉又如泥

金印之同季示以友人所作重九詩五章每首用潘邠老

七字索予和忝筆次之

滿城風雨近重陽欲乞麗禿繫絳囊飄館飛觴懷忝帝仙臺肅

駕憶文皇諱經螭陛

君恩重習射鼈機宦夢長

癸亥余引疾居貴筑九日此日倦游借李春塲孝廉射鵝爲樂

此日倦游

從僚侘醜瓠且自註臙臙

南浦西山引興長滿城風雨近重陽丹萸未插厨光帽

今季嘉九在豫

章欲借彭峴麓編修同季游螺墩以雨甚不果

黃菊微飄篤耨香酒入愁腸天地窄秋

生冷鱸鬢毛涼相逢幸甚桓溫客縱爾相嘲亦不妨

季來善病待長乘庶冀靈方出貝堂故國松筠榮旅夢滿城風

雨近重陽整冠杜甫爲秋士漉酒淵明是古狂我亦嶽崑歷落

者中宵倚劍指天狼

短髮鬢心詎長少季何事忝殊方壯懷欲擊墜壺碎天意寧

將美玉藏冷節龍蛇虺大澤滿城風雨近重陽把杯正有灤梁

興烽火俄驚起故鄉

宣陝鎮兵變

長天秋水碧茫茫木落亭皋白露霜  
幻夢未能尋覆鹿延季早欲貯昌羊  
江山好處頻揮筆鴻雁飛時總斷腸  
邠老佳詩今續否滿城風雨近重陽

戲柬金北巖

綬明府

鸚鵡洲舟訪才人江山宋莫老浮萍扁舟欲泛桃源去卻恐漁郎未識津

秦淮夜月管絃頻劇愛雪英掌上身今日鼻君傾九醞可能画裏喚眞眞

偶感



悔學屠龍無用技支離不必是吾師飛鳥羣兔焉能執策我渠  
黃上具茨

始信輪扁語不誣鑽斲故紙實迂儒五芝五石真鴻術欲棄芸  
編學伯跖

干請何能因直性艱危但容喪吾真深慚不及爰精目猶教人  
憐范叔貧

休隨若士簪鴻蒙安養何如田舍翁從此息關頤我性白雲舒  
卷在遙空

曾笑李君餐玉法延平底事飯青精閉心自謹終無失鐵鎗還  
學易四營

焦原集步是何人執虎攫猿信絕倫但使誠心貫金石何疑柔  
谷有陽春

一曲雅琴奏歷陵鏗耕下澤羨賢曾人閒縱有飛輪事我是罕  
漫謝不能

丁卯上日

輭節折松枝吾身尚旅羈關心添葦索入夢泣鳥私爆竹偏驚  
我鐙花欲慰誰羊頭聊厭戶螺首已書儀微受風胎蕩渾忘日  
媿訾譚經虛筍席上壽隔椒卮剛非鬻無佩盤辛案孰遣何庸  
桃櫻被久餒旨甘慈太素和神養冥機迅運移文章豈窮逐習  
俗自眞瀉始覺江山好欣看草木滋歲時是荆楚裁句效曹毗

春日靜坐

無賴是春風輕颺扇落紅愁人凝遠目遲日上芳叢卷箔薰迷  
送彈琴響鞠通因思少季日乳燕小樓東

丁卯正月朔三日自夏汭買舟返里畱別金印之明府

載病入孤舟春雲滄滄浮乾坤容漫士日夜聽江流秦隴眇天  
末風塵厭我畱思君折楊柳目斷菴昌樓

菴昌柳

爲問西門柳春來絮亂飛  
垂條誰繫馬弄色欲侵衣  
游子空扳折東風可送歸  
婆娑故園樹生意想成圍

人曰

客裏兩季等靈辰最憶家燕天誰伴餅消渴自煎茶江上楚山  
蘼雲中秦樹斜峭寒那能耐腸斷此梅花

江夏春日

客路厭風塵渾忘斗運真乾坤開霽色書卷伴愁人雲入晴川  
曙天回鄂渚春故鄉不可見大別鬱嶙峋

自江夏登艦憶何梅生

承先庶常

雲影漾晴空春艣響遠鴻悠悠縣白日湛湛映青楓江夏憂難  
整芳春樂孰同故人千里隔定念我飄蓬

舟中喜晴

窗櫺忽見漏朝暉好鳥聲喧枕上聞岸樹新枝迎旭色江流細

穀動粳紋春寒生怕園梅凍日暝遙知陌草薰最是垂楊能惹  
恨旗亭黃酒望歸雲

江行口號四首

鷓鴣鴛飛趁落霞游鱗滄瀆向晴沙我心嬾似春江水不載東  
溟枯木查

江邨曉霧望離迷岸草如茵掇綠萸幾處青帘楊柳外瀟瀟細  
雨郭公號

江水流春不暫停乾坤浩蕩一浮萍積陽在樹羣鴉噪遠見漁  
鐙出蓼汀

落日孤帆傍岸行東方月出故鄉情恨無金母三青鳥飛上瑤

京五鳳城

舟次宣城岸上閒步

瀟水涵帆影，湫城問客塗。  
春風宋玉宅，斜日杜根墟。  
詎意苦疢，瘡何由傾榼觚。  
縣出英離無東徵古諺，濶覽信非誣。

入鍾祥縣界江岸多漁者

江水何滔滔，江魚何育育。  
沙渚多居民，潛甲爲蔬菽。  
棊布下纓，畧易取殊緣。  
木三五，卯角童持罾，恭以肅不爭。  
意欣欣，白小出洞，泐跋刺或漏網。  
急流浪花蹙，須臾卽盈筥。  
方疑術能呪，印思俛有省。  
水濁富鱗族，儻使波能激。  
安得引比目，卽令古宿沙。  
涯涘空踟躕，我何爲獨清。  
眾口叢怨譁，容容福梯基。  
察察甌胎蓄。

同塵實良言柱下貴碌碌愛此雪銀鱗問之不肯鬻悵望江上  
洲白鷺各飛宿

襄陽七絕四首

晚晚韶光溼上春當季耆舊已無人重來問向康衢過尚見玲  
瓏庫露真

峴首飛雲冑鴉絲風吹梨雪滿平陂倦游嬾聽銅鞮曲下馬獨  
尋苑銀牌

諸葛才名勞枉顧龐公隱德駐高軒東風料峭吹岡草落日蒼

茫下鹿門

襄陽有南陽城臥龍岡在焉或指豫之南陽者失之

欲釣查頭縮項騙臨淵脈脈自念筌何如呼起葛疆子醉倒高

陽碧草邊

梅花石

石質微赭廣二尺許橫三尺上有山形縱梅數百  
山旁有半月瑩白如璧山之旁有梅株結蓓偏偏

非從形似而已石在襄陽南門  
外古寺內嵌佛蓮座地中

女媧鍊後天根固歷歷新栽白榆樹一片翻飛落人閒梅花如  
雪天應如煙巒突起玉眞峯冰魂月魄搖玲瓏欲往游之路莫  
從深山大雪迷行蹤巖躑斜挂半鉤月宋宋玉鱗香雞歇吳剛  
似嫌桂不芳來依梅樹作蟾窟更有一株傍崔嵬小珠大珠綴  
蓓蕾憑誰健步能移此致令香國成香海我嘗之官古夜郎牟  
珠洞內屢襄羊

洞內地上有梅花  
數朵玉色皎然

疑爲天女手拈落孰意此石

占翠芳道士謂余貢自唐千餘年載留襄陽



春水

一碧春如許風柔盛浪花游魚爭落絮乳燕掠晴霞波折江流  
曲帆高日影斜靈淵舊池上芳草是吾家

觀音崖舟中早起

岸柳樓鳥喚沙汀宿鷺浮寒風低草色薄霧隱江流客子紫殘  
夢蒼天憎拙謀嗟吾久淹滯望遠誰家樓

游子

豈有才名著胡爲旅食頻艱難經世味牢落向時人天地靈無  
意江山亦自春試看林邑島終戀故山塵

歸夢

鄉國五千里奔馳十四季慈親餒甘旨穉子坐等齋得不思雲  
臥無能學鳥合悽清江上夜飛夢畫堂游

沙灣夜泊

野色蒼然莫振衣岸上行蘆花舟子屋明月旅人情長夜漫漫  
靜棲鳥拍拍鳴誰能敵百慮天地任孤征

舟抵樊城土人言襄郡南門外有唐瀋陽王張文貞公故  
園乘橈往訪之

憶昔辛酉季曾攬峴山秀儵忽已七載樊水維舟又榜人遲發  
權兀坐費清盞汎橈亂淺流嚴城人煙轉舍後入闔閭橫術恐  
迷繆崇期逢人問恨無古耆舊行行出南門萬山露嵐岫杜碑

不可尋孽絮白雲逗

南部新書杜預刻石爲二碑一沈萬山之下一立峴山之上時人皆用沈碑峴首不

考也

野郵宿麥抽斷橋寒流湊道畔藪等表姓氏儼雕鏤師師

我交貞小園此地構歲月歷塵劫采樵何人守耨楹藜葳芳後

苑叫狡狴誰歎典郡者一爲鏹荒陋我公實人傑擎天勳塞宙

庸封異姓王神堯想靈祐云胡受讒言屬鏤訓功懋斲極極幸

立又令神州覆我來深感嘈側側寒風透再拜心熱服楷無椒

酒侑言旋日已積扶光棲巖竇巨蹶行踳跚兒童笑眉皺偕騎

過莊爐小艇河麋候登臚憶舟塗譙樓起夏漏

浙川

丹水來商密黃流合浙川菊花潭上路絲柳拂漪漣

老關

少習關雝爭滬水東流瀼瀼黍熊耳少習關後誰舉山西向  
我拱商顏秦爭楚鬥此片土中原鼎沸嘯龍虎去季赤子弄潢  
池如麻戰骨堆厓屨我向黃昏過此地陰風慘澹鬼索餌古人  
守關良有意

蕞麻嶺

楊君不解譚孫老曾到蕞麻嶺上來

用楊士奇詩

我亦征塗同倦鳥

登臨一望起浮埃巖風披拂腥遙觸岫日薰蒸瘴不開欲偕長  
鏡尋杜老毛蕞除去放嗔才

梁家塬

清谿繞巖流曲折篆巴字隨處架小橋石邊堆汲器此間耕畝  
人想是伯鸞寄邨畱太古風氣象何陶遂叮囑鹿場閒穉子飛  
墻戲桑巔雞偶鳴籬外犬不伺積陽樓樹時野老濁醪醉不識  
唐宜就焉知秦可避斯真古樂都何羨仙福地我胡爲僕僕四  
海縱策繼遐覽雖翹曠心境苦沈闕誅茅結吾廬愛此野煙媚

碧天洞

青天欲落壓峯頂頂上白雲奩石筍斑鹿銜花入蒼林兮鶴呼  
子取箭鋌百道飛泉赴懸崖似委幅練無泥滓清光遙射馬首  
弄我時按轡目爲炯道旁耕耶慮氣閒指言窈洞穿屨顏直通  
蓬萊方丈室每有仙子來往還月明吹簫騎丹鳳采霞一片遮

煙攪金霧著樹光粲粲茅狗如龍忝般般時見巖際采藥翁修  
毛數尺爛方瞳似著青精呼長精負龜趺坐崖頭松五色青蛾  
扇紺翼千季蠟蠅縣芳叢此實羣仙光碧宅徑路絕處風雲通  
我欲登之冀相遇一水盈盈不可渡褰裳履屨匡震搖纔過驚  
波日已莫扳蘿附葛捫石壁回首河干羸薄霧恠鶴驚呼如老  
人深林虎嘯寒風慙慙悵桃源隔目持羽客聯轡何無緣得毋  
未餐鴻鶴饌或者未熟青蒲篇八景之輿孰驂乘三清之驥誰  
揮鞭卻返舊路重歎息敬受十賚埃侏季

過商州

一抹商顏青不斷嚴城簷日號商於我來不見商山安亭上夕

陽澹有餘

夕暉亭遺址  
在西門外

少習雄關聞嘯虎密陽丹水見文魚張

儀游說非僥幸劍樹猶縉鬼谷書

#### 四皓墓

嗟爾地下人千載骨已朽  
漢祚初構基既胎起妒后陰謀樹諸  
呂攫食劉氏手高帝深中人易儲計已後祿產終爲變一發可  
踐蹂東宮或動搖呂娥壽孔厚留侯真人傑偕此商山安衣冠  
蕭嶷嶷英主心抱歎羽翼飛已成盤石宗可久卻榮返商顏采  
芝聯素偶至今欽高風鹿角枕遺友所恨漢史官不列功臣首

#### 紀夢

宿新開嶺之夕夢入一廟壁縣紗幪繪諸仙真眸目則

雲海翻波仙靈雜沓頓成寶境次晨至秦嶺謁韓文公  
廟左堞孫思邈醫龍右堞雲英上昇乃符夢所見爰紀  
之詩以志幻異

瓊宮玉闕波閒出糾綬彤雲涌海日洪濤沖激百寶生天仙五  
十現麗質九色斑龍駕紫車絳節珠幢侍衛密或乘朱虎佩金  
剛或騎白鱗挂玉鞵千鶴負囊盛山圖青鸞銜草粲龍朮中有  
仙娥何媼條光儀淑穆坐雙髻青綾之袿金褱褕佩托火玉奇  
香飄雲飛大綬繫長臂分景寶劍懸纖馮晨嬰冠簪犀導千  
瑤文鳥嵌鮫綃侍立小童神朗照背負六甲騰丹霄忽聞靈音  
駭遠空八瓊仙曲盪心芻范君髮擊湘陰磬石子鈔叩昆庭鐘



簫響震靈飛瓊舞笙奏鳳管雙成逢元靈妙樂歌法嬰天聲吹  
澈來天風貝闕溟崩水忽立黑雲下屬尾閭吸老龍飛出魚腹  
從弭耳張口鱗甲溼西南下降一仙真羽衣翩翩如鳥集鼎鑪  
煎濃甘草湯金鍼刺脣龍欲泣持藥食之同空青須臾雷訇雨  
颯逕我時坦步入瑤房小鬟贈以雙洞光青鳥西來負祕笈未  
啟且酌九霞觴鹿脯鳳髓雜月斲丹泉粟粒瑞珉漿一笑羣仙  
皆錯愕星辰滿目森光芒峭寒服我袍青霜醒來四顧空蒼茫  
謁韓文公廟

萬里遭遷謫孤臣此駐驂正如投有北何事賦終南雲外秦迷  
嶺雪中關掩藍裘瘦馬不進問慰來湘男

我亦逢瀧吏荒餐飽瘴煙經公去國處瞻拜一潸然淫雨開衡  
嶽鱷魚飛廣淵如何皇罽輩巧謗欲違天

秦嶺

嚴霜落馬背躑躅不能行林凍日光瘦鴉口喑無聲塗旅咸裹  
臣而我事曉征據鞏方四顧割面風來迎蓮峯立東表冰雪耀  
光晶大乙峙西極松柏蔚擊盞北鎮尊汗嶽涓流繞畢程南方  
橫鄖竹瀼水下襄城深壑有殘骨戰壘尚縱橫管季荆蜀賊窳  
跡依高崢

天誅梟渠率餘黨返田耕商賈行無阻巉巖如阿平寄言守土  
吏無得虐編氓

藍橋

大石峩峩如虎蹲，小石學學如鼠伏。大水冒岡牛伸頭，小水尋  
鱗蛇入腹。水石相激聲噌吰，如奏韶音於大穆。簪季曾到鳴琴  
川，何日仍游彈箏谷。似此天樂，旣俗躋，那羨裴航瓊漿服。況復  
此路多神仙，并途得無雲英屋。

養素堂詩集卷九

荃威張

蘭山集

戊辰己巳庚午

朱小梧

鳳翔

明府倩李生爲山水清音圖貌厥己形意象

蕭疏真神仙之吏也屬余題之秃筆賤此

宓子有瑤琴虛堂譜雅音簿書付香篆山水寫靈檢風入澗聲  
壯泉鳴月影沈營丘工黠筆宛爾對煙林

散髮跋粵絢人閒信丈夫雲煙空翳障世事笑侏儒白水心如  
寄青山夢不孤朝來拄笏地船復羨蓬壺

橋欹搖鴉浪松老冒朱藤箕踞盤陀大唼詩芥片澣乾坤自喧  
宋絲竹又頻仍林谷關音本知君志早凝

余亦叩銅鼓熊谿趨去來江山驗好處人士說通才

余宰玉屏日耳稔小

名絃化今三異參星醬五開何時首陽下共勸逸民杯

首陽在渭源

爲陳大

正常

題画蘭

燕尾橫斜最好枝  
右丞貯得舊黃磁  
青煙幾縷浮欄外  
正暈光風乍汜時

一別湘南曉露寒  
美人遙隔碧雲端  
秋來何處紉香佩  
且把離騷痛飲看

送吳雲峯

應詔

廣文之中衛任

三絕曾傳鄭廣文  
嗣晉今復見吳君  
寫成緇箬頻篩月  
彈得朱絃自遏雲  
還向膠庠縻好爵  
定從翰墨策奇勳  
賀蘭山峻河流

急白酒黃雞對莫驢

顯莫雲峯

南金

明府画魚幀子

曾到且蘭習說娘隅平江鼎沸有四顯鱸厥投桂餌欲得椒圖  
望堂策策氏惟庚辛繫此白小在藻矜鱗陵波銜藻未怯塗綸  
風牽苕葉水汜桃花青顛灑潑濛濛色吹沙江南煙景問諸漁家  
宿山風雨響振空林云有涓子靈符在心欲往從之煙水幽深  
眞仙上藥流淵瓊魚服之狃霄味比綺蔬我愛啣藕不食王餘  
東海摩竭厥大千尋未若鱗游嗜伯牙琴況乃文鱗飛聲似欽  
一寸二寸詎化蛇龍若有思兮尺書可通何必青鳥往來樊桐  
誰能不欲羊續縣來客薦王龔陳蕃言該明府之德魚乃大哉

嚴匡山

煥

舟輦履蘭州觀察任在過書院並示東漕小草

詩刻

帝簡忠誠奠遠陬邊民仰澤速星郵政平白石徙危燈心潔黃  
河是濁流煙帶

御爐浮縹緲詩成小草寫溫柔肯將龍德清英奏負序茫然憶  
鳳修

葉殿承

恩草制麻漕河輓粟聽帆搥稔知豸柱陵霜氣乍見雁銜煊日  
粵鄭國威儀西蜀重臨苗學術老皇嘉邴堪嬾性同工部禮數  
能寬許手又

詎是經神箸九能舉比安擁意兢兢速工殊愧詩才率勃窣難  
如理窟憑敢說金心人可鑄庶幾銀手已常繩欣茲模範逢先  
輩漆室光明是智鑑

回憶僕鬻吏夜郎湘江士子蕭冠裳

遵義有湘江書院余攝篆  
時暇則邀諸生入署論文

揭鱸仍自交毛穎魂夢依然侍玉皇微賞何人貽鄧白箸書無  
意效聊蒼願將一勺滇池水濯淨塵襟問注張

重游五泉

庚申三月  
會游此

杳杳山上桃岑岑隄邊草山桃豈不豔所笑空裛裛隄草豈不  
芳所思在遠道何來泊游郎尋春此幽討珠鞭拂晴絲蹠蹠金  
鬚裊坐揚大道橫沙路細泉繞風吹蟻酒香青帘出林杪下馬



上旗亭呼童落花掃但愁煙景莫不憺  
巨羅倒重來幾歲等青  
山顏亦老僧問此何日柳外號黃鳥

久雨

錦雨連絲不暫停湘簾捲起砌涪青花房宿露珠兼玉風女織  
絲緯弄經畱客何曾逢薊訓微寒儼似到商庭高枝未見東棲  
雛我欲祈晴画丙丁

戊辰又五月雨甚黃河溢田廬被冲撫時感事用嚴匡山

娘  
觀察勘災元韻

星宿原天上鬢梳自地中如何雨三日巨艦竟乘風屏翳呼祈  
應先是因旱祈雨農畝租賒空左傷河伯邴倩羿貫珧弓

儲胥隨浪去，坵舍逐沙積。水立奔堪，豈波蜚見。忽雷驚心，船簞  
斷滿目。澤鴻哀謁者，塢流法王。吳復用來。

欲壓周王，筮翻憂馬鬣。行竹人誰勸，酒萃客自爭。羹雨亦無禾，  
麥飢真累老嬰。陳圖懷鄭俠，蒿目此儒生。

吾

皇勤賑恤，大吏計鳩安奉。

詔燧羸起，權胥飽蝕。難田仍排宿水，飢自忘朝餐。拋盡終季業，  
拊循仰縣官。

隔弁是天，意綴集敢淹。遲露處盆相，戴風聞玉未。炊降災仇白，  
辯受困似黃。隨繫我愁無奈，周遭屋四坐。

疇觸河公怒爲魚苦下民川原白骨殪酒肉朱門人但見蠹生  
竈真無鴨惱鄰深煩繡衣使逐熟布

殊仁

王酉山濟明府同季自晉運餉來蘭州旅邸夜話

未得梯雲問碧雞隨風曾到夜郎西尹珍廢宅埋荒草誰似西

山多祕緹

酉山雲南人

作吏無如三晉好朱竹垞句偷閒尚得究遺經誰言仇子能傳信太

岳仍爾處父銘

自古文人有意輕君家聖證難康成豈知嗣輔弼風暢不掩東

溟髮福名

燭影幢幢耀玉蟲三商猶自話鴻蒙古疆真見堯唐面試到蒲

陽賤塢宮

譚及堯事  
故結云爾

西寧黑番不靖白大擷丞

毓

新自廣威來知狀爲予言

之賤此代簡

征鞞響處雪光寒海水飛來洗劍看果有哥舒揮半段何愁谷  
蠡舞長竿譚兵紙上終爲妄射虎榆中未是難漫笑書生怯戎  
馬傅侯曾此斬樓蘭

郝繹堂

彥成

師奉

命參贊西寧戎事賤此鄧呈

豹畧籌邊域

鴻恩賚上京南荒曾建節西海此專征

策授楓陵符飛伏俟城星門新壁壘玉帳舊家聲一障跨關  
隴并軍度旆旌雲閒雕翼墮雪後馬蹏輕太白蜂旗閃中黃騎  
王精三會謀素定八克路皆平谷轉榆崖暗塵揚邠鳥鳴嫫姚  
眞善戰定遠最知兵皮艇卑禾渡犀渠碎葉營赤鹽同米餉白  
奈共梅擎藁鼓鏡歌唱駿車蕃部驚請纓原有志負羽未忘情  
甌越終童去樓蘭介子行護羌隨校尉拔戟立威名唐穴焚爰  
劍蒲昌斬恠鱷未央捷書奏王母益圖呈

漢書地理志西海龍  
郡有西王母石室

島駿駒戲鳥亭戍卒耕龐雄功不細載筆寸心傾

青海曲

飛旆出昆邪樓蘭轉戰餘黃雲浮鶴剌白雪隱龍沙夜火連甌

脫天兵識漢家焉蓄置軍吏詎使右賢遮

笳管激秋風將軍響貂弓三河徵少俊十乘啟元戎月落構余  
白烽高兜谷紅索西皆內地斥堠備湟中

北斗歷黃河征人喜荷戈穹廬通敕勒露布過淖沱玉鏃遮霜  
雁鼎鹽負紫駝戍樓吹角罷佇聽短簫歌

上相舊專征銅鉗已繫纒磨刀多姐后飲馬真吾城蒲海波如  
鏡蔥山草似兵封侯縣斗印一笑念平生

題唐松舟錄倦游詩草

萬里一詩瓢江山屐未寥管絃相慰夕花月可憐朝底事青雲  
附嗤他白日驕留中千壘塊爲借酒杯澆

海內游蹤壯飄飄憶故關  
蠶叢碧落上狐譚青流閒  
又復尋猿道因之見玉顏  
情懷自騷屑兀坐月銜山

壽方葆嚴

維甸中丞師

關隴安危倚此身  
河山百二控巖秦  
人欽讜議同羊叔

帝錫遐齡佗鼎臣  
攀嶽蓮開延霽色  
輪臺戍撤靜煙塵  
坐裳

聖主紆西顧分陝勳名動

紫宸

憶昔潢池羽檄飛  
馳驅楚蜀一戎衣  
高牙建後豺狼化  
黔首親如父母依  
天壽終能肩召爽  
清名不復說蘇威  
何須斟雉尋彭術  
鈴閣新聲譜玉徽

西望端門肅典型金湯作固壯聲靈真人曉度關門紫御史臺  
高曰柏青鎮靜匡時元氣復艱難濟物道心靈天根筭得春恒  
臣屈指雲間角氐星

師善疇  
人之學

秋入關中滿北原終南山色落瑤尊階甍白木叢霞氣帳下青  
羌舞錦鞬信是仁人能有壽曾爲弟子不知恩公堂詎少稱觥  
客但願民情達

帝蘭

初秋借朱小裴

庭楷

明府暨弟涵齋

庭模

進士楊蓮峯

本

俊

劉樹古

自欽

二明府游五泉西澗

秋入金天爽氣侵  
捫蘿附葛上危岑  
黃河東去淘囊傑  
白塢西



回壓梵林恠石依巖奔虎踞飛泉挂壁老龍唵數弓卜得茅亭  
築乘夜來彈孺帝琴

諸君才俊並時髦賤子徒將短髮搔欲技浮雲劍心怒應教廢

月檐牙高新築亭  
微低乾坤噫氣如能繪我輩游蹤未易遭溟海桂

林秋正好風煙萬里接蘭皋

秋興八首

天地氣方肅江湖吾正閒壯心縣

魏闕霜信入邊關殘暑能驕否新愁一例刪干戈猶未靖拔劍  
倚孱顏

白石風纔厲黃河水又洪哀呼多雁戶極目有狼烽耕隴餘荒

草晴川飲渴虹誰將西顛意一問葶收宮

萬里蒼茫氣登高得大凡龍城沙坐振鳳嶺月空銜羌篴阿干  
水仙書積石巖金天迎昊帝雲外降珠繆

桂露團團白楓霜淦淦青飢鷹盤大漠老馬叫荒亭充國田疇  
沒粟姚戰壘藟中原誰宿將叉手嘯商庭

老事重龜劉

皇威震遠陬乘黃講戎政太白掃蚩尤弓挂天山月蘆吹瀚海  
颺笑他唐宋世甌脫又防秋

所思在長安諸公集鳳鸞平亭何宋莫玉宇自高寒但守書三  
漆彤所露一盤禽等知我意底事怨芳蘭

斗覺煙嵐淨，尋幽豁宿霧。泉飛巖滴雨，木脫嶺摩雲。小鳥翻青  
鷺，斜陽澹碧沍。天然畱画本，嬾瓊爾何黜。

落葉庭除積，寒飈著意吹。明河如可挽，皓月任相窺。涼入桃笙  
峭，聲高画角悲。可憐張仲蔚，徑草滿離離。

讀朱小梧

鳳翔

明府烏鼠山詩仍用其韻

今之青雀山，在管姓烏鼠澗。水瀉其崖三原正，相侶所恨未登  
陟。一覽窮高樓，流濁別清涇。奚事調符取，新秋游皋蘭。五泉相  
爲伍，央央來山靈。笑我守殘詒，手弄潺湲欲將水。品譜緬懷  
隨，刊烈莫如高密禹。洮河受黑書，川脈遂無巖。宛彼餘舛躋，宅  
幽自終古。粵聞桂平南，牛蛇共石戶。異類氣相通，難爲昧者舉。

豈止秦之東魚龍潛江渚況復墨翟子矐真同赤斧上直掩畢  
星光景連朱園後來媚學者如鼓瑟膠柱同穴分兩支不翅夢  
囂語壁經尚未了邠知汲冢楮我彈賀若琴屢舞防風股何當  
陵絕巔歸將山經補

盛麗農

進

明府之清水任未及餞送詩以寄之

高秋鳥影拂霞過隴首雲飛澹碧羅咸說巖城須坐鎮深知美  
錦憎傷多縣魚署靜霜陰直種柳堂深霽色拖剛得蒲桃觴未  
舉引吭空憶斲腸歌

畧陽猶是漢時封

清水木漢縣後魏分畧陽郡置

控制秦川靖塞烽大震爾并

甫田藟分流驛下野花濃居民自勸勤三麥丞吏由佗對二松

縱遇貪泉知不飲天教清水寫虛衷

遙同岳一山

震川

舍人游襄中石門觀漢碑詩

楊淮伯邳鑿石門司隸孟文之元孫夾漈歐羊題名厥誤沿善  
長失討論余讀常璩嶽陽志信鼻蜀碑無違異獨憎甲子來漢  
南未陟磨崖一游戲黓塗欲著閣道銘棧雲下屬天爲青山川  
夷庚虎狼靖荒煙斷碣無穢形君平尋幽誠健者隙趾臙腹堪  
當下手摩刀角剔玷斑朗讀數四中心寫所幸未遭野火焚江  
流一綫盪沄沄驚濤未齧犍爲字恠木常封伯玉文況復嗜古  
如相臺析里郿閭新裒衷

一山近有興安之行

悵我未得操杖隨蠟屐試

商鉅鹿部守何人哉

安康陸四喜遭亂後十季得歸岳一山舍人紀其事余系之以詩

氛塵瀕洞豺虎縱橫川血原骨地棘天荆哀哀黔首魚沸鳥驚  
逝矣邦族不如無生

解一

邇有四喜陸氏之子土箸姚虛萍泛澆水鋒鏑餘魂乾坤贅氏  
衣霧吸霜求牧芻矣

解二

豈無歸夢中道離迷鰓聲鼠泣父兮母兮黃泉目鰓

父早

蒼崖

肉泥

母為賊迫墮崖死

兄往何許弟為小奚

解三

主人能賢聞言傷盡寓乃書翰訪斯室蘭海畔石龜扶南翠翼

尚懷故鄉況人膈臆

解四

伊誰剝啄負篋，  
裴褻擗心牽襪。  
予昆何來對語，  
如寐旁觀爲咲。

一笑同歸風雨清埃

五解

維皇恢廓詎私童豎，  
五郡恨消十季憂補。  
保祀守疇樂也靡苦。

明府政良舍人行古

六解

一山旣詢悉家世寄書安康令王君給其兄賞來洋乃攜之東歸也

郭孝子歌

名士傑字濞卿興安兵房吏

鬱鬱沸天烽火，  
駛風雷傾地江濤。  
起弟別兄兮夫棄妻，  
獨有守棺郭孝子。  
鬼鏡青綠照荒野，  
撲面驚沙蔽蔽下。  
塊獨處此星辰，  
寒母氏魂來血淚瀉。  
潏谿龍虎助悲號，  
身身銜耀陵蓬蒿。  
江間白浪連天動，  
朝朝莫莫飛輕舸。  
十萬紅巾酣戰來，  
空山猿鶴鳴聲哀。  
豈不愛身委溝壑，  
精靈呵護氛煙開。  
吁嗟平濞詔持喪，  
弗

繇事今以干戈仍勞吏鄭弮曾薦白鳩郎何人不起益母思試  
上姚虛問懷抱三春晴暉麗舜草

徐十樵

黃

別駕將歸蜀貽詩作別元韻禽之

劍閣鄉心聳金城旅況難功名羊胛熟詩句雁聲寒珠鴉霏犀  
里槐黃蔭石壇郵筒清夢後料理錦江竿

題徐十樵

黃

別駕槐影山房詩集卽送其歸蜀

別駕竟如何新詩日日哦飛囊搖白墻泚墨瀉黃河出塞天低  
野排衙酒侑歌唸懷此時健直欲勒銅駝

山名

塞仕魚千里夷情貉一丘斯人困魑魅吾意射鴈旻混沌眉難  
画侏儒飽欲歐窮塗那復問逸興滿滄洲



一笑人間事封侯數竟奇青銅囊脫底白雪鬢垂絲莽蒼塗將  
莫嶙峋劍擬誰擲杯澆不得心曲蝨魚知

早賤隴流咽重顛蜀道難吾方噙玉腴子乃怯金寒

十樵丁  
內艱落

日烏嗁樹悲風虎嘯巒故園臆亦得奚事戀枝官

雙烈篇

會寧范香姐爲庠生張世甲妻夫歿氏絕粒吞苦杏仁  
死後長奴和殉厥夫世弼亦吞苦杏仁死其二子維絃  
執業於余泣請闡幽乃作雙烈篇付之

渠逸夜半閃妖影屋角啾啾叢火境剗然雲崩碎琉璃拘魂逐  
鬼降張軫到曉碧血盈羅巾微作香風六合聞鄰里驚視齊歎

服可憐一掬苦杏仁杏仁之苦苦無比飲泣潛吞甘且旨二桃  
三士從亾身何如殉節范和氏斷腸不種芙蓉花繫頸不絰孔  
雀紗畢命黃爐同一轍焚灰何處覓羅又泉臺宦亦思姑舅幼  
子呱呱繞牀忝叔兮伯兮侍高堂耶翼孤兒託先後此死不復  
畱遺恨飄緲上清謝塵坌至今虎岫鴉巒秀鶯鶯曉月聲無怨

送李蘊山

映樸

孝廉下第返里

一戰無能霸歸來氣未降文章原有價面目欲驚龍仍淬秋霜  
鏑終緣素錦杠佳兒况靈馨采藻溜西江

令子有芙蓉新入泮

蓉鏡卜佗季鄉心趁月絃鳥聲聞楮爾山色落邗連君欲經呼  
佛我慚詩雜仙臨歧忽一笑秋草綠靈淵

屬安定陳復齋

書

明府爲閩海詩人許鐵堂立牖旋得報

書知己樹諸道旁矣賤此卻寄

萬古唵魂苦山人數更奇銜冤箸變雅埋骨迷荒陲旗鼓中原  
角聲等異代思斜陽片石臥詞客靈來時

爲政在風流陳君善閩幽海枯天轉石月冷鬼曉秋果孰名心  
化依然精氣留鐵堂眞仵者地下厥牢愁

雙魚篇寄懷海寧楊三芸壘

文孫

孝廉

雙魚出江濟剖眎得尺素相思字了了幽懷繫情故在管涓子  
心宥山避世務靈符寄丹鱗風雨晦明遇余亦息關人煙霞疾  
抱痼獨此求友聲鳴鶡逐高樹黃河從西來滄海自東注清濁

雖殊形波瀾信回互中原實莽蕩精氣亦布濩沉有宜楸君引  
我夢中路

和楊三芸聖文燕孝廉元韻

樾關息勞影芳菲其不章仰屋徒兀兀匿懼且穢穢恨無濟南  
術奚以傳始昌飛夢江之渚花開洛如祥郁夷隴坻道彼阻者  
有行陵緬秋空雁忽墮青雲琅上篆努力字使我心回翔但慚  
藉爾采何由鳴敦煌

嶰管音久闕詎意得冷綸吹出千翼調秋秋妙入神

芸聖以所  
鄭齋詩集

見回首醉由拳括頸雙車輪慨想鄭高密曩飲亦絕倫六經并  
七緯導源自梁岷吳模崇精輩善述力能陳證聖實矣作吾子

乃兼人嗟余學術陋有負天地身

元詩

楊文孫

鳳鳥出丹穴裔裔備文章何必集阿閣光采自不滅之子  
挺靈秀和聲協臙昌舞吐五色雲苞彩稱嘉祥蓬山偶謫  
墮差隨鳧雁行戢翼西海上飢啄球琳琅豈無山雞質毛  
羽豐且翔備德斯足貴所重非焜煌

異禾并作穎雙繭繅作綸相感在氣類安問形昇神昨歲  
一邈迨夢昧勞心輸君才揜羣雅箸述陰

鑑宋纖

倫思君

不可見萬里窮洮岷吾儕志不苟離合勿具陳努力事千  
秋立言以傳人捉鱗會有日保此現在身

方湛厓

溧

于役蘭州話舊惘然作此錄別

徽州人官三  
江場鹽大使

十年京國夢萬里晤言歡明月將節酒秋風又別鞦韆書我腐  
士知味君鹽官試到潼關外蓮峯回首看

名下說江東神交異地通何堪淮海士竟失景廬翁

陳妙士同  
季洪雅存

舟輩云云拔劍關河隔墮詩臭味同子卿相見日爲道我離衷

章子  
卿官

仁和場鹽大使  
昇余爲戶交

朱小梧

鳳翔

明府連喪二子詩來意甚慘切作此慰之

晉唐孟東野喪子屢歎歛昌黎贈之詩爰以解煩違騎雲叩闈  
闔星辰實其暉大靈銜帝命來告夜款扉旣福厚薄聞愚者昧  
是非君今千行淚闌干溼錦緋豈不西河戒沈痛焉能揮高堂

養素堂詩集

卷九

西

沉粵顯何由慰重闈孤負數年愛一去將安慰俛視雕桁上猶  
見征松衣君情信未過余言亦當依曰遠循良吏慈惠及春顰  
召父兼杜母赤子鮮寒饑痾瘵時在抱里闈姓氏祈君有桐鄉  
政黔首羅罔畿彼蒼者有目錫禔實可幾持還靈舛妙靈妙東  
方朔之

二子庭將弄德駢異日紹編槩雄兒世所稀所嗟女孥傷韓子  
夢魂飛時予少  
女亡

長懋亭論制府送哈密瓜臆謝

關展山川富玉珉瓜州部落毓輪囷馱將鐵獺堆渾脫剖自銀  
刀憶大秦此夜蒲醪添碧液長季柳塞見紅塵何期幕府能推  
食竟爾分甘苜蓿人

競傳儒舍到材官絳實黃圃列翠盤牽蔓應分奇石味

同語奇石蜜食

謂綠葡萄

抽尖尚認切雲冠

俗名同回帽

上環初祭青霜淨涼氣潛生碧

月寒自是含章天上隕翻令鄭灼沁心肝

瓠落無成每自嗤舌耕何異賤場師難尋積石三季種空賤幽  
風七月詩恭荷令公飛騎送能教下士突拳持愧無谿父餐花  
術聊對舉陶一壺之

聖朝威德花門響

紫殿頻登裏赭羅

雨露九天絲秀颭風霜萬里過宜禾正殊菊簪通邛笮堪笑香

支置驛駝回首



金蘭侍從日曾隨羣彥沐

恩波

每歲瓜貢至  
頒賜翰苑諸臣

西寧大捷志喜四首寄呈郝繹堂

彥成師

幾曲饒歌奏夕曛戈鋌無復彗寒雲黃河淨洗安夸壘白羽重  
開積石軍六郡良家黽板屋燒當舊種獻蘭筋金城萬里烽煙  
靖翹首台階鬱瑞雲

龍支關險控諸羌段頰當季老烈揚青海至今空突豕紅崖終  
古歷參狼將軍入穴按爰劍降帥何人號貴霜峽口金沙堪厲  
甲義從長此戢河湟

慘澹風雲霹靂車月旻膜拜出穹廬鹽池水暎通枹罕蔥嶺塵

空接休屠

澁書注  
休音朽

倚馬真能馳露布  
縣雞何幸遇

泥書卑禾息浪鼻  
姦靜鼓鬣爭看黑背魚

天聲遠震返旌旄  
勒姐山峴解佩刀  
大將功名書竹簡  
居民歌舞醉蒲桃  
圖披石室開封版  
凱獻

形擗拜

賜袍慚忝莅鄉門  
下士深知羽扇是龍韜

寄祝斐杜鄉晟  
大司寇八十

皋呂勳名照簡編  
祥刑種德大齊年

皇恩許就耆英會  
靈藥何須太極泉  
綠野光陰演箕範  
青霄事

業憶

堯天

溫綸況荷褒嘉再練達當居伯始邦

中外宣勞四十秋

聖君良相遇兼優接巖采幹成翹秀杖鉞臨戎克壯猶黃髮果  
能保黎庶白雲仍自主長畱可知常式蘇公敬郊子徒爲對爽  
鳩

明允深蒙

二聖恩慙來曉夢戀

天閭岐公綠鬢眷常足柳度丹田氣自溫金法寧從風后作塢  
流可昇仲通論卽今首祚迎祥日青鳥銜花落酒尊

況是學經折鏞人搨提正遇孟陬春珠庭日角涵元氣辛牝黃  
宣養谷神真率相聯忘富貴期頤永錫本慈仁伊余西塞瞻南  
極欲薦崑崙不老巔

清明次日游五泉登清暉閣遠眺夕巓

蘭峯高處放險眸寒側風輕野色浮白雪消殘河湫外

巓一  
日雪綠

煙飛上柳梢頭梵鐘洪響遙相會遠岫斜陽澹不収我自忘歸  
人影徹西巖虎嘯碧泉流

閒游黃河岸

一片孤城枕石關河流飛入斷雲閒滔滔東去誰能挽賴有龍

所底柱山

春莫游王氏園亭

如酥小雨駕油車  
坐柳坐楊裊裊斜  
不見游人攜斗酒  
鶯聲哢碎碧桃花

寒玉山房卽事

授字纔完素意閒  
空庭鳥啄碧苔斑  
落花不入幽人夢  
臥看皁蘭雨後山

同李有南

彪

廣文淡仰山

士濤

司馬游蘭山遇雨

白白楊花銜乳燕  
青青草色上征衣  
山亭小憩雲窺戶  
春在雨聲中未歸

贈玉衡關士

會現宰官說法來置身又復亂書堆漆編古字渾難定

時余考證尚書

今古

自足禪心詎易猜此地雲開方見月幾人河渡也乘杯拳

頭畱待佗季識僧汝隄椎付秀才

趙嘉五

應會

廣文見余詩冊贈章過褒卽用元韻會之

識曲如君響鞠通清和時節對簾烘感甌且淪臬廬葬苜蓿差  
香饋食麴譚笑縱橫落珠玉詩才勁健寇蟻螭自從掀出樓中  
透掖耳端知不關聾

魍田此日嗟焦鵝回首羅施屢折鬻五夜猶然數蠶漏十季未  
得織鯨綃休從若士尋汗漫欲覽靈樞辨疇疇元叔何爲感窮  
窮佗時嚴助嶺南轡

和太莽

宣

制府書院課士奉贈四章

蜺旌曳處靖塵埃使相誦庸幕府開

國文章星斗氣巖疆鎖鑰范韓才欣逢玉燭珠囊會妙簡菁莪  
棧樸材關隴今茲望澤切天教夏雨雨人來

威稜久已懾堅昆臥鼓安邊溯化源經術真能成溼治士林從  
此見龍門青衿佻達回城關樂職詩歌布

聖恩葆吹清閒陳俎豆英髦儲得石渠論

學堂曾自補文翁

管公旬  
宣西蜀

秉鉞三秦振賸

公專藩關中日修  
棘院興起人女

信是衛公能勸學誰爲何老解歌風鄂敦九曲瀾觀裏唐述千

編津逮中勸語蘭山二三子專心切莫在笙鴻

時術能如蛾子麼譚經其奈月離何  
蓬心未啟逢莊安鳳德無朋貌  
諫珂敬仰令公淳化布從知立道  
善人多神輪一卷研珠露欲效注  
丹敢側俄公精易

題郭義人學博傳後

由來凡信不廉仁今見居延郭義人  
學海波翻探鏡月文山玉朗濛珠  
塵誰知鶴字畱琴表空想龍聃去  
大秦況有楹書貽後世上清應亦  
重經神

鄭虔豈必是微官書法能登大將  
壇上谷鴻蹤疑翻落墨麤廣本佯  
驚看先賢爾案猶如在雅曲伊涼  
孰繼彈不爲儒林空灑淚欲尋聚  
窟震靈丸



苦旱謠

雲之西

西古音先

雨涌泉雲之南水傾潭雲之東佇立空雲之北收

穫得我聞此諺已多年驗若景響豪無愆昨朝扶策出郊坰

田壘坼苗如刑仰天大呼馮修折丹駕飄輪至安得捧西海水

灑向青驄之騎吁嗟農氓終歲苦耕遭此颶所何能爲生離畢

詩未哦白臍詎涉波擬往天竺國看禾沒橐駝

贈白雲鶴羽士

九隴殘經我未精來游慣聽步虛聲雲飛紫館嵐煙淨風入蒼

松鶴夢清

白善琴

僅有霄霞知道德

右軍爲曇慶邨道士所書者道德經世多以爲黃庭非也

何來君達喚焦明

時早延保道士祈禱

隱居素契多丹術整頓荷巾奉玉

橫

贈張將軍

聯奎

扑傍山背地勢陡將軍坐鎮老謀舒一彎霜月開神臂三尺虬  
龍吼辟閭墨灑誠縣斑管筆愛慕柳公權書杯澆相所玉頤書太平無  
事邊烽靖射獵魑來戴距虛

苦旱

先生無化雨愚婦乃含悽風猛疑清角雲翔翫素霓幾時魑蜮  
謁時祈竟爾困梁鵜女妓無能燼陰諧不復嗾日中三足躡海

外數童迷毛髮憐高岳擣蒲露淺谿陽驕水土捍物畜地天睽  
未見環茅艾徒然長蕝藜如焚真滌滌用汝或藁夔昕夕占壬

子朝儻自西

汪芷亭

城

明府餉以箋筆賤此謝之

常州人

羨君判案重如山贈我毛錐架屢珣近日情懷殊嬾惰欲將詩

草待人刪

曾貯黔南翁貴皮

出定番州

能書家法愧張芝不鈔杜預春秋例聊

寫仙童星子詞

贈醫士劉子實

抱朴曾鈔別後方

余纂集奇疾方數卷

何如龍樹貯青囊每因膠志多幽

疾

子實診余脈言用思過苦故血不尋髮

聊欲清心佩善芳三折肱能通素問八

成湯自煮軒光如君良術達人濟苦勸敵蒸處密陽

時值舉月

皋蘭初秋

霜高白雁送秋聲  
萬里蒼茫野色橫  
青海雲飛封石室  
黃河月涌上金城  
雖尋翁仲秦時冢  
早撤匈奴漢代兵  
自是皇威邊塞懽  
乘時無復折膠驚

徐治賢妻謝氏節孝詩

春秋二百四十二  
季所南史董狐不聞傳  
殘女可知三從四德  
備厥躬巾箇賢嬪  
舍此其誰許況復嚴霜摧樹  
鵲影孤宛頸獨宿  
乃無一乳雛不願接翼  
雙飛求匹鷺依然以雌代雄  
效哺鳥謹佩盼悅  
槩表事姑舅夙興折枝進盥  
蓬在首中庭夜泣髮髯  
來精靈但冀尊章克綽  
旗幟壽猶憶龔帖遣屬  
延秦和蘭蘭弱

質亦自抱沈疴祈禱私語應入藥鑰耳瞬目奔駟激矢成剌那  
可憐後學得以猶子主數粒熊丸常伴月色苦羣從感恩咸曰  
腹我同弗減絲諸任氏教皇甫一旦疾革尋夫赴泉臺振衣絳  
綵嗚咽何悲哀不能畱身鞠膾潔羞騰跼天躋地奚以謝涓埃  
吁嗟乎龍唵夔吐之樂來睇澤火浣冰漬之絲出圍客形管懿  
微夫豈容易譚我爲史氏以此書簡冊

初秋晴霽登瑤源閣遠眺仍躋山鵲翫石罇流泉

遙峯堆眾皴遠樹點曲突黃河自西來白堦危欲脫蛟龍不敢  
怒波濤奔壯闊仰眎沆寥天飛鴻接健鶻頑雲嬾窟岫風吹如  
殘雪未必能爲霖猶作奇峯兀側聞鳴泉聲琴筑儼敲戛扳蘿

到石壁手掬滌煩熱環流未出山清可鑑毛髮殞陽樓崖端涼  
颯起林末浩歌輒言旋秋色入山骨

鬪新雁

一聲何處雁天宇肅清高紫塞千章樹黃河九曲灣壯心驚画  
角邊信寄霜毛淒調誰堪寫南陽鮑法曹

送郝釋堂彥成夫子出塞

定遠班侯擁節旄馳驅萬里氣彌曩

廟謨每重邊庭寄從事寧辭膂力勞青海矜鱗波浪帖

往歲西  
寧黑番

不靖師  
底定之黃雲古戍月輪高堅昆默啜虜衙勒叱馭邛邛笑俊髦

旆旌獵獵向輪臺幕府重施撫御才老上龍庭依日月山名創中

豹畧靖風雷河流碎葉唵豪潤山聳時羅舞劍同嘉運平生多  
異算邊兵百萬喜顏開

三策何須效賈君

師以河  
帥被譴

票姚亦自樹奇勳流沙赤蟻空千里

報

國丹心寄五雲羊刺飛花凝湛露駝蹏弄響對晴曛佗時返

關承

皇詔父老歡迎舊制軍

傳經敢自比彭宣回首蓬萊意惘然往事徒成蕉覆鹿講堂誰  
見雀銜鱸主持風雅來宗匠

謂和  
制府

綏輯遐荒仰祖鞭況是金城

拔柳地心隨沙鉢玉關天

和太葦宣制軍以佗事牽連降階被  
旨以京堂補用

和其畱別入都元韻

奉

詔謁柝梭

君恩敬仰承河山勞岳牧

殿陛賴疑丞經術乾坤策功名九萬鵬

軒宮仁壽鏡定鑒老臣能

魏闕亦心縣何時赴薊燕公期漸來京國榦材無大用台輔待名賢

帝載鹽梅重

皇家柱石堅召公平格壽斐篤自謚天



漢朝魏弱翁精易納孤忠天地準吾道知仁成我公宣猷威夏  
箭折鏑辯春宮

公著易貫近思錄中言三十  
六宮之義爲先儒所未及

不假神翰訓誰歟

效子庸

北學久衰徵文星乍耀暉如何回瑄朗底處覓龍威圭壁老公  
是千城賤子非衮衣繡裳詠逾渚仰鴻飛

送鐵冶亭

保

太夫子出塞

中外宣猷仰景星

皇恩今許駐丹庭一聲鴻叫關門紫萬里雲飛海浪青博望豐

碑聊補字

張騫碑在伊犁南  
山存二十餘字

崑崙銅柱好顛銘駢君迎獻畱犁

酒且調從緡托忒經

準噶爾以音韻爲且  
調有字書名拈忒

翰德清風繼甫侯南邦是式賴良謀治河誰復如乘馬折獄仍

須問爽鳩

公以山陽案獲謎

猶憶飄蓬聞善政

澍於丙寅南游備聞輿頌

翻於灑墨

見舟修

公所刻有人帖

文章經濟原相貫小子無能考異鄉

回首登龍感歲時鬢齡早許讀新詩

在都日蒙賜涉江草容臺集二種

百季天

地情何旣

公懷靈湘嚴先生詩有百季天地幾師生之句

萬古雲霄意不疑南國咸歌

君子化西方又切美人思

廟謨沉重封疆寄佇看

環綸到月支

不慣僂僂返自南敢云蕭育是奇男讀書久已嫌糟魄束脯何

能供旨甘拔劍天空看月白縣鉞屋漏託雲藍

時以紙乞書

西風催

放黃花菊可否延留數日驂

狄道陸秀三

芝田

孝廉書來問訊辭意甚偉詩以酬之

微髮消搖興正酣蓮萼山色落筠簪  
書早已成窗北得句依然似劍南儘有閒情  
娛下九還將巧道問繁三陸生新語真殊  
絕我自時懷大小慚

上松湘浦

筠

制軍

身讎雲飛萬里秋元樞開府運良籌  
三千虎旅來西塞百二河山寄上游  
帳下青羌招屬國軍中白馬識安州  
居民望澤情原切喜覩饑黎得養羞

被災諸處咸蒙賑濟

摠封賜履舊神皋

公管節制三秦

頻倚安危節鉞操夙夜諸司遵石画

西南半壁仰瓊膏  
蜺旌月涌河流壯  
烏柏霜凝鼓角高  
指願邊庭成咫尺  
路無煩

聖主廟堂勞

戎帳橫經憶澁南

公勦教匪日率師儒講學不輟

魁儒勲業早遐覃  
何期濁渭

清湓地又聽規仁  
矩義譚下士邗堪承  
玉帛諸生奚以謝青藍  
作人無斃宣

皇化禱吹安閒看翠嵐

微名久辱上公知

澗邗薦日公寄章桐門師詩曾及之

拂衷臚來感歲時

澗投簪七季矣

詎有甘棠畱貴筑  
仍將鐵撻問宣尼  
捫心未信人能鑄  
導路邗  
教士不羈沉荷崇  
壘寬禮數秦風爰  
賸繡裳詩

喜雪聯句

涉冬及春正氣候久霽霧竟荷皇天慈

張澍介

無教豆脯空藪藪

舞疇楹

趙應會嘉五

綏綏覆宮洞秦關樵徑封隴坻鳥飛爨

介滕六

肅蚪驂萬三鞭虎鞞

嘉五

尺盈凹凸平

介

鹽撒縱橫中著土暝還

融

嘉五

陵虛寒尚凍芻重剔牛眸

介

夙管徵魚夢能使好魴鱖

嘉五

何辭駭瘰癧農驢脈起膏

介

安免圍提瓊綺畝隨方圓

嘉五

嘽州

卻獻貢初疑稷澤屯

介

忽若釐牟送蠶漬固思存

嘉五

匙翻冀食

眾點衣看謝莊

介

頒粟賴平仲雜沓沒崖稜

嘉五

益葢蘇茶蕨吾

儕事覩田

介

對景含杯墮眼見姑徐徐

嘉五

妍抽且惇惇圍爐窗

試聽

介

語夏蟬宜誓計月臣資饒

嘉五

占季同霧松程門我所慚

介  
映字羣賢諷嘉五

先聖詩爲岳一山震川中翰作

溼江之南先聖在焉父菑子播乃成良田用遺後嗣有幹有季  
豈無傭者不如我先江天未曉風雨淒然作苦敢辭洪縻牛牽  
兩蹠入水踏破蒼煙歲其有矣羞膳豐饒伊何人哉古之懿賢  
予言不嚮視櫻衫篇一山有櫻衫溼詩述兩封翁之力田也

莫春偶成庚午

燕來春未去雨少花無多試上晴原望白沙耕奈何

獨游皋蘭山口占

芳草芊絲蘸碧流黃鵬飛上戍鐘樓當季粟姚師古讀去聲塵兵地

養素堂詩集

卷九

美

一抹斜陽萬古愁

送趙嘉五 應會 廣文之阜康任

草色青時賤遠行飛沙萬里客心驚春雲溼共楊花落  
那鳥翔  
隨宛馬鳴此去剛逢新苜蓿重來定換舊簪纓  
嘉五意欲得薦剡 送君  
橋上頻西望東下河流咽恨聲

看牡丹

小雨初晴艸色天也隨飛燕集花邊何人送得燒春酒欲待黃

衫話夙緣

將雨風乍

團團升雲半有無飛廉過處埤塵俱  
農夫抱甕空愁歎真箇蒼

天似雨珠

次朱小梧

鳳翔

明府白牡丹詩韻

瑤顏脈脈殿春殘  
獨立東風佩玉珊  
翠幙高張渾不見  
爾來好向月中看

倦倚珊瑚玉作肌  
素鸞回舞羽毛奇  
誰知鏡裏天仙質  
也寫藍關雪擁詩

斜插厖光醉一場  
花神此日爲君忙  
何來虢國夫人幘  
我欲偷窺淡掃粧

漫說茶槍鼻酒旗  
煎酥美味詎吾欺  
可憐十戶中人賤  
祇奉豪家一遜師



邀徐十樵黃至書院小飲有詩述懷作此調之卽送其赴

### 鎮番

首樵先生盤何爲肯盡歡昌黎文字飲杜甫腐儒餐人笑君耽  
句天容我謝官擲杯夕陽外雄淚灑茺蘭

老作諸侯客

入劉蓮峯明府幕

西游亦壯哉移監羗草路驃騎馮牙臺

明鎮邑人千戶盧鏞屢有禦寇功贈驃騎將軍載酒詢邊俗橫鐔想逸才張衡有述作

未足供薪材

十樵索余簞箸數種未之許也

### 夏雲

慣於閒處作奇峯不灑甘霖慰老農我欲崇朝天下徧搖豪鷲

起墨池龍